

Kangikhidjutikhaq

Rubella

Huna una rubella aanniarut?

Rubella (atiqaqtuklu German measles) hiamittaaqtuq aanniarut aanniarutimit. Rubella aanniarutauvaktut aanniaryuangittutik nutaqqani, amingnaqhunitauk hingaiyuni aanniartaqtuni.

Hunat aanniarutigivagait?

Rubella aanniarutikyuangitkaluaqhuni ilaani aanniarutit naunaiyuitut, nutaralluani. Inirniit aanniarutit naunaiyuitut malrukni pingahunilu havainiqni aanniarutiqaqaliraangamik aanniartumit. Ukuat aanniarutigivagait:

- Kidjavyakhutik.
- Amiklukhutik atauhiqmit pingahunut ubluni, akuliami hiamittuktaut timimut.
- Ipiringninguyuuq.
- Puvittutik qiniqhiniit tunuani hiutingni tunuanilu qunguhirmi.

Rubella-mit aanniarutit aadjikkiiktut hingaiyuni aanniarutihaniktaaqut kihimi. Rubella aanniarut hingaiylutik ilumiutaiknaqtuq annivikhaa tikihimaittumik, tuqungayumik inuulutik, mirraannuaq timikkut ihurutiqaqnaqtuq (atiqaqtuq congenital rubella). Pidjutaa congenital rubella angitqiyaaq hivituniani hivulliyuni 12-ni Havainiqni haingaiyuni.

Qanuq hiamitpakpa?

Rubella hiamitpaktuq inungmit inungmut kakkianit qingaqtumit kalakmit iggiamitluunniit inungmit aanniartumit (kalakhuraangata tagyuraangataluunniit). Inuit aanniarutilgit rubella-mik himaitirtaqaat aanniarut 7-nit ublunit talvunga hitamanut ublunit amikluknia nuigaangat.

Kitkut aanniartaqtut?

Kinalikaak inuuhimayut talvani qaangikkatluunniit 1970, kapuqhirhimaitpat havautiqaqtumik, aanniarutiqaqnaqtuq rubella-mik aanniartaqtuq. Inuit inuuhimayut qaangiktinnagu 1970 aanniarutiqaqnaqungnaqhiyut rubella-mik nutarannuanguvlukutik aanniarlimaittut.

Hunat munaridjutikhait?

Munaridjutikhaittuq nakuuhidjutikhamik rubella-mit Amihut inuit naamakhivaktut aihimavlutik. Inuit aanniaryuaqtut uqaqtukhaayu munaqhimut.

Qanuq rubella pittailiniaraluaqqa aanniarutauyuni?

- Arnat hingaiyumayut naunaikhiyauyughayut rubella-mut kapukhirlutiklu havautiqaqtumik aanniartaarumik.
- Tamaita nutaqqat Nunavunmi piyakhariyalungat diphtheria-mut kapuutikhaq havautilik ilagivlugu pivaktamingnut kapuutinut havautinik.
- Tahapkununga inuuhimayut talvani qaangikkatluunniit 1970, kapuutit havautinik ihuatqiyauyuuq aanniarutiqaqnaittumik rubella-mik. Uqaqvigilugit munaqhit Ilvit ilatillu iniqhiyaamingni rubella-mut kapuutikhamik.
- Algat uqaqtaklugit, kalakhuruirangata tagyuguirangallu, pitinnagit pihurumiklu munarivakkumik aanniartumik, ikayuutauniaqtuq hiamitirnaittumik aanniarutinik.
- Allanut atuqatigihuiqlugit niqit, niuqqat, higaat niriidjutitluunniit, kigutikhautillu.
- Hiamitirtaililit kalakhuliruvit kakkiiyautimut aingnutluunniit.
- Aihimalutit aanniaruvit.
- Kapukhidjavutit havautiqaqtumik tingmitinnatit hilataanut Kanatamit.